



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

iii. De clericis coniugatis.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

tentia fructum trahantur, & cæteris peccandi
licentia auferatur, liceto.

Clerici itaque in fornicationem prolapsi ob
id in officiis ne vitantur, ni peccatum huiusmo
di per sententiam, confessionemve in iure factã,
aut euidenciam rei quę nulla tergiuersatione ce
lari possiet, notorium erit, quantum ad se, non
quantum ad alios suspensi intelleguntur.

At si clericorum concubinariorum crimen publi
cum ita erit, vt possit notorium dici: episcopo
nec testis, nec adusator necessarij sunt, hoc
nulla tergiuersatione celator. Sin publicum ex
fama tantum non etiam ex euidencia erit: ad cõ
demnationem eorum sola testimonia ne suffi
ciunt, non his sed testibus iudicator. tamen si
de clericis ipsis suspicio talis fiet, vt ex ea scan
dalum in populo generetur: etsi contra eos adu
sator non adparebit, his canonica purgatio in
dicitor. Si præstare nolent, in eãve præstãda de
ficient: canonica animaduersione puniuntur.

De clericis coniugatis. Tit. 3.

SI qui clericorum infra hypodiaconatum vxores
res accepserint: beneficia ecclesiastica relin
quunt, vxores retinent. At qui in hypodiao
nato aliisque superioribus ordinibus vxores ac
cepserint, eas dimittunt. De commisso pæniten
tiam agunt, ad id per suspensionis & excom
municationis sententiam compelluntur.

Sanè sacerdotum huiusmodi cõiunctiões q vxores
duxit cõtubernia, potiùs quã nubtijs adpellator.

De clericis coniugatis

post longam tamen pœnitentiam, & vitã laudabilem, si continebunt: episcopo eos officio suo restituere liceto. sic eius exequutionem recipiunt.

5. *Diversis.* Hos itaque beneficiis ecclesiasticis quæ in diœcesibus suis erunt episcopi earum priuanto. Si tamen ipsi talibus ea scienter contulerint: his ipsi per superiorem spoliantor.

3. *Quod à te.* Clerici quoque infra hypodiaconatus ordinem constituti si carnis vitio deiecti abstinere non potesint: cùm vxores acceperint, ecclesiasticis beneficiis priuantur. sanè si quid ecclesiasticis quibus intitulati sient de suis possessionibus aliisve bonis contulerint: cùm ab earundem ministerio & beneficio sequestrati erunt, ad ipsos recta via redito.

8. *Cum de coreis.* In summa: qui publice vxorati erunt, ad ecclesiasticas dignitates ne admittuntur. si quas habebunt: dimittuntur.

2. *Sanè. i.* Itaque clericus cõiugatus ad ecclesiastica beneficia, sacrosve ordines, aut administrationes ecclesiasticas, ni fortè perpetuam castitatem vouebit, nìve qui vnicam eamque virginem vxorem habesit, ne admittitor. Hæc inter latinos vera sunt.

6. *Cum olim.* Orientales enim in minoribus ordinibus rectè contrahunt, in superioribus contracto iam matrimonio vtuntur. qui ex vxore legitima ab his in sacerdotio susceptus erit, ni regionis consuetudo repugnabit, aliudve canonicum obsistat, ad ecclesiarum regimen rectè elegitor.

7. *Ioãnes.* Licet autem (vt ad latinos redeamus) in acoluthum

thum ordinatus sit clericus, si vxorem legitimã duxerit, & inter eos inde scandalum generari poterit, inuitus tōsurã deferre, dum ne quod beneficium ecclesiasticum percipiat, cuius ratione clericalẽ tonsuram deferre teneatur, ne cogitor.

Fortiori ratione qui in minori ætate constitutus tonsuram tantum seu corollam clericalem adsumpserit, post miles factus habitum clericalem ferre ne cogitor. 10. Vt cōsultationi.

Qui prima tonsura accepta publicè vxores duxint, quamuis tonsuram deferant clericalem, eamve dimissam reassumant, iusticias, quas vocant, principi debitas, & seruitia seu obsequia consueta rectè exiguntur. 9. Ex par te.

De clericis non residentibus in ecclesia vel prabendo. Tit. 4.

OMnino qui clerici ecclesias, præbendãve sibi concessa sine iusta & necessaria causa, maxumè sine episcopi consensu deseruerint, ni postquam congruo tempore expectati fuerint ad eas redibunt, iustove impedimento detent erunt, his iustè priuantur. 10. Inter quatuor.

Itaque episcopo clericos in ecclesiis iurisdictionis suæ beneficia quæ residentiam exigent indeptos, si ad alterius dioccesim absque illius licentia morandi causa transibunt, neque moniti redibunt, nisi rationabilem excusationem ostendent, beneficiis spoliare liceto. 17. Clericos.

Si qui eorum se fraudulenter absentabunt, nec ad eos citatio peruenire possit: episcopus in ecclesiis eorum trinæ citationis edictum publicari facito. si nec sic obedient, & ultra sex menses